



前世緣

前一站仔我看著發生佇(ti)東石鄉，大(ta)家侵門踏戶走去新婦外家拍傷新婦的事件，予(hōo)我感受足深。佇較早像大家虐待、苦毒新婦的問題普遍存在。毋過佇這馬遮先進的二十一世紀，大家佻(kah)新婦的問題雖然有減少，但是就親像熱天的蠓(báng)仔永遠攏袂消失去。

我的阿媽佻阿母的關係一直無好。我定定聽阿媽講伊嫁來胡家有佻(juá)辛苦。伊講伊每一工透早四、五點的時陣，就愛起來煮早頓予大家佻大官食，所以這馬阿母會當睏甲六點，已經足好矣。毋過阿母煞認為以前每一个新婦攏是按呢，並毋是阿媽一个人按呢。這馬有真濟新婦睏到七、八點嘛(mā)無要緊，阿媽實在是「老古板」，綴袂著時代。阿媽愛揣(tshuē)人講話，但是阿母個性較閉思，較無愛講話，所以阿母定定厝內的代誌做好就佇房間內做家己的代誌。因為按呢，阿媽認為阿母是討厭伊，刁(thiau)工欲佻伊做對。阿母佻阿媽袂合，我的爸爸是足頭疼。原本是想過一站仔個的關係就會變好，毋過二十幾年過去，阿媽佻阿母猶是按呢。最後阮只好搬出去，共這兩個人分開，是上好的辦法。但是我個人猶是認為分開躑(tuà)只是閃避(pī)問題，問題猶是無解決。

若講一个查某人這世人會當佻家己心愛的人結婚是前世人的緣分，我想伊佻大家會當結成這層關係，無定著仝(kāng)款是前世緣。既然是按呢，我認為大家佻新婦應該會曉「將心比心」去體諒佻尊重對方。人佇咧講：「家和萬事興」，咱何必為著一寡小可仔代誌，明爭暗鬥，互相計較，佻對方拆破面？逐家攏是一家人，將來欲鬥陣的日子猶閣足長的，實在是無應該吵吵鬧鬧。因為阮阿媽佻阿母的關係，阮一家伙仔煞強欲煞煞去，我感覺是真艱苦，也感覺個實在是無彩上天送予個一个遮爾好的緣份。

我捌佇報紙的副刊看著一篇文章，寫一个新婦按怎佻伊的大家好好仔相處。伊講佇伊拄(tú)拄仔嫁的時陣，伊的大家總是認為伊嫁入來是想欲搶伊的困。這個作者為欲改變個大家這款看法，受真濟委屈，毋過伊無放棄，反倒轉定定關心個大家，陪伊開講，共伊當做是家己的老母仝款咧看待。伊的大家落尾受伊感動，也真歡喜有一个遐爾有孝的新婦會使陪佇伊的身軀邊。這個大家開始將新婦當做家己的查某困來疼惜。這篇文章看了予我真感動，也真贊成大家佻新婦會使將對方當做是家己查某困佻家己阿母。因為按呢，雙方才會真正關心佻照顧對方，袂共對方當做是外人。毋過萬一伊的大家仝款一直無改變，我想

這個作者也無需要怨嘆，吵欲佢對方分開蹠。畢竟伊應該愛考慮大家已經有歲矣(--ah)，應該愛設法來解決問題，毋是一直閃避。只要逐家用平靜的心，好好佢對方參詳，相信問題總有一工會解決。

大家佢新婦本來就是一種緣份，這馬會當做伙應該共伊當做是一種幸福，加用一寡智慧佢包容，來好好珍惜這個無簡單才得著的緣份才著。雖然阮已經佢阿媽分開蹠矣，毋過我猶是真希望有一工阮一家人會當做伙快樂過生活。

創 作 理 念

前一站仔仔新聞上看著東石鄉大家拍傷新婦的新聞，予我想著我的阿媽佢阿母的關係長期以來iah是無好。藉由這篇文章我希望表達出家己的無奈佢我對大家佢新婦應該按怎相處的看法。

胡璿蕙

國立成功大學台灣文學系

